

كيف نربى أولادنا ؟ | محاضرة ماتعة للشيخ أبي إسحاق الحويبي

أبو إسحاق الحويبي

ان الحمد لله تعالى نحمده ونستعين به ونستغفره وننعواز بالله تعالى من شرور انفسنا وسبئيات اعمالنا من يهدى الله تعالى فلا مضل له ومن يضل فلا هادي له. واشهد ان لا اله الا الله وحده لا شريك له. واشهد ان محمدا عبده ورسوله - 00:00:00

رسوله اما بعد فان اصدق الحديث كتاب الله تعالى واحسن الهدى هدي محمد صلى الله عليه واله وسلم وشر الامور محدثاتها وكل محدثة بدعة وكل بدعة ضالة وكل ضالة في النار. اللهم صل على محمد - 00:00:26

محمد وعلى آل محمد كما صليت على ابراهيم وعلى آل ابراهيم في العالمين انك حميد مجید. وبارك على محمد وعلى على آل محمد كما باركت على ابراهيم وعلى آل ابراهيم في العالمين انك حميد مجید. قال عبادة ابن الوليد - 00:00:46

ابن عبادة ابن الصامت رحمه الله فقلت له انا. اي قلت لابي اليسر لان المقطع السابق الذي انتهينا منه امس كان حوارا بين الوليد ابن عبادة ابن الصامت رحمه الله ورضي عن ابيه. آآ الحوار اليوم - 00:01:06

او المقطع الذي آآ نشرحه اليوم هو بين لابني اللي هو عبادة ابن الوليد ابن الصامت قال فقلت انا له اي فقلت لابي اليسري يا عمي لو انك اخذت - 00:01:36

غلامك واعطيته معاذريه. واعطيته بردتك فكان عليك حلة وعليه حلة فمسح رأسه وقال اللهم بارك فيه. يا ابن اخي بصر عيني هاتين وسمع اذني هاتين ووعاه قلبي هذا وشار الى مناطق قلبه - 00:01:56

رسول الله صلى الله عليه وآل وسلم وهو يقول اطعموهم مما تأكلون والبسوهم مما لا تلبسون وكان ان اعطيته من متع الدنيا اهون علي من ان يأخذ من حسنتي يوم القيمة آآ البردة والمعافري الى - 00:02:26

هما يعني يشبه الازار والرداء ولكن البردة تكون بلون والمعافري يكون بلون. فابو كل يسر كان يلبس بردة مثلا بيضاء. ويلبس معافريا والغلام يلبس بردة سوداء ومعافري الابيض فقال لو انك اخذت بردته بحيس يكون على كل واحد حلة بلون - 00:02:56

واحد لو انك اخذت بردته. واعطيته معاذريه والعكس فكان على كل واحد منكم حلة كاملة فمسح رأسه وقال يا ابن اخي طبعا ابوه ليس اخا لابي اليسار. لكنه استخدم - 00:03:36

اذب الالفاظ وهو ان ينسب المرء الى الاخوة. اغلى حاجة في الدنيا الاخ بعد الوالدين طبعا. الاخ اغلى من الابن او هكذا ينبغي. ولذلك في سورة الشعراء مثلا كذبت قوم - 00:04:16

نوح المرسلين اذ قال لهم اخوهم نوح الا تتقوون. ويذكر لفظ وصف النبي بالاخ حتى في معرض القتل. فمن عفي له من اخيه شيء ولم يقل من قاتله. ليه؟ لحن قلبولي الدم. فيبقى - 00:04:46

زي استخدام لفظ الاخ هنا عشان يحنن قلبه. احنا عندنا مسل يقول لك اللي يتعرّض في حاجة يقول اخ اخ اللي هو اقرب الناس اليه اقرب مذكور في المحبة هو الاخ. فلما قال فمن عوفي له من اخيه ولم يقل فمن عفي له من قاتله - 00:05:16

والمسألة هنا مسألة عفو كأنه يقول لولي الدم اعف. فيبقى لابد من استخدام خطاب يرقق القلب. وفي القيامة قال الله عز وجل يوم يفر المرء من اخيه اول واحد وامه وابيه. فلما تكون الدنيا مضبوطة الاخ - 00:05:46

ينبغي ان يكون اقرب الناس. اقرب من الولد. لو الموازين صح. لذلك النبي عليه الصلاة والسلام لما سأله المغيرة ابن شعبة عن الدجال واكثر من السؤال عن الدجال. قال ما - 00:06:16

منه يا ابن اخي. انت خايف منه ليه؟ عامل له شغلانة ليه؟ مرعوب منه ليه فيقول له يا ابن اخي فهي لفظة جميلة تدل على الحنان

وتدل على القرب طبعا بعض الناس الحديث اللي هو بتاع المغيرة ابن شعبة بوب عليه النووي في صحيح مسلم في كتاب الادب -

00:06:36

قال باب جوازي ان يقول الرجل لغير ابنه يابني وهذا لا سيعارض قوله تعالى ادعوهم لبائهم. ليه؟ قال لك ادعوهم لبائهم اي في

اصل النسب في شهادة الميلاد في الاوراق الرسمية لما ينسب نفسه لا ينسب نفسه لغير ابيه انما في المناداة - 00:07:06

ممکن. تقول له يا ابن اخي انما الذي كرهه العلماء ان ينادي من ليس بمحرم باسم المحارم كما فشى في بلاد المسلمين. الرجل يدخل

مع مراته اي بقالة ولا بتاع يقول لها عايزه حاجة يا ماما - 00:07:36

مش بيحصل ولا؟ اه. ليه؟ تقول لها يا ماما ليه؟ او تقول لابنك يا بابا يا بابا ما عدتش تعمل كده تاني. طب ايه دخل بابا في الموضوع؟

فقال لك يبقى يكره ان ينادي بالمحارم - 00:07:56

يكره ان ينادي بالمحارم لأن هي المرأة اللي هي مراته ليست امة. فده يبقى فيه نوع من الكراهية. لكن يا ابن اخي اه فيها نوع من

الحنان فيها نوع من رقة القلب ولذلك مسح على رأسه. وهذا المسح يدل على - 00:08:16

آآ رعاية رعاية لقلب هذا الولد كأنه آآ آآ اعجب لنباذه. وفطان ولذلك دعا له قال اللهم بارك فيه طب ليه ما قالوش

الله بارك فيك؟ وهو واقف قدامه ليه استخدم ضمير الغائب؟ قال لك استخدام ضمير - 00:08:36

الغائب للحاضر اسمه التفات. وهذا اجود في التعبير. واوصل القلب عشان كده اي رجل متصرد للدعوة وهو يخاطب الجماهير ينبيغي

ان يتتجنب تاء الخطاب وكافي الخطاب. يقول مسلا ايه؟ فاذا - 00:09:06

شربت الخمر مثلا فانت ملعون. هيقوم اللي مستمع يحس ان هو بيلعنه. اذا زنيت فانت في النار وبئس المصير. وهيتخرب بيتك ان

شاء الله. فيقوم اللي مستمع يحس كان انت ايه؟ بترمييه بحجر - 00:09:36

غير لما تقول فان زنا فهو في النار. فان شرب الخمر عذب خلاص؟ يبقى ايه؟ يبقى فيه نوع من الالتفات. وده اجود اجود في التعبير.

واوصل بالخلق. ولذلك قال اللهم بارك فيه. بعدما مسح رأسه ودعا له. وهذا من حسن الخلق. اذا - 00:09:56

ناداك احد وانت تجيبيه ادع له. تقول له ماذا تريدين؟ حفظك الله. اذا خاطبته بارك الله فيك. اليس معك كذا وكذا؟ ده بيبقى ايه؟ فيه

نوع من الوصل بالقلب. النبي عليه الصلاة والسلام - 00:10:26

اه كان اذا ناداه رجل قال له يا ليك مع ان ليك نحن نقولها بغير ياء لأن ليك معناه اجاية بعد اجاية. او انا مقيم على طاعتك

فيستخدم افضل الالفاظ ويما ان ده دي اصلها للتنبيه. يا ان ده انما هي للتنبيه - 00:10:46

ولبيك ايضا تنبيه. يبقى تنبيه مع تنبيه في منتهى الاهتمام. ولذلك يعني آآ لم يكن جيدا لما قال رجل مرة يا ابا القاسم وكان في واحد

في الصحابة يكنى بابي القاسم كمان - 00:11:16

وهو ينادي على صاحبه والنبي صلى الله عليه وسلم موجود في المجلس. يا ابا القاسم فالتفت اليه وقال يا ليك. قال لم اعنف مش

انت. اشوف بقى الفرق. فقال النبي صلى الله عليه وسلم تسموا باسمي - 00:11:36

ولا تكون بكتينتي. ليه؟ حتى لا يقع انسان في مخالفة الادب كما حدث هنا. فسموا باسم ولا تكون بكتينته. عشان كده العلماء لما آآ نظروا

هل يجوز للرجل ان يكنى بابي القاسم؟ ام لا - 00:11:56

في عندهنا ابو القاسم الطبراني. احد ائمة الحديث وابو القاسم البغوي. احد ائمة الحديث فهل يا ترى هؤلاء خالفوا لما قال تكنوا تسموا

باسمي ولا تكونوا بكتينتي. العلماء رعاية لهذا الحديث - 00:12:16

الذي ذكرته الان قالوا انما نهي عن التكينية به وهو حي حتى لا يلتبس. فلما مات صلى الله عليه وسلم امنا من الالتباس. لما واحد

ينادي على واحد يقول له يا ابا القاسم لن يكون لن يتصور احد انه ينادي النبي صلى الله عليه وسلم. فربطوا ايه - 00:12:36

الحكم بالعلة دي. فلما زالت العلة زال الایه؟ زال المعلول معها كما يقال يعني. فهوقصد يعني شف النبي صلى الله عليه وسلم لما

يقول يا ليك يعني الحق احنا واحنا بند على بعض او بنطلب من بعض حاجة لا مانع وهذا من حسن الخلق ان تشفع كلامك بالدعاء

لاخيك - 00:12:56

اتعود لسانك على كده. تعود لسانك على كده. آآ في طبقات الشافعية تاج الدين السبكي وابوه تقى الدين السبكي على ابن عبدالكافى كان اماما مجتهدا ومن اقران شيخ الاسلام ابن تيمية اللي هو ابوه تقى الدين. بيحكى تاج الدين في الطبقات. يقول كنت مرة مع ابي فمر بنا - 00:13:16

كلب فقلت له مر كلب ابن كلب. بيقول للكلب اللي ماشي عدى يا كلب يا ابن الكلب تمام. فنهاد والده. فقال له اليس كلب ابن كلب؟ فقال رويينا اي كأنه قال لي اسناد يعني الى الكلام الذي ساقوله. رويانا اي اختصر الاسناد يعني. يبقى ايه - 00:13:46
معلم. مش كده. طيب. قال رويانا عن عيسى عليه السلام انه مر به خنزير. فقال له مر بسلام فسئل في ذلك فقال اكره ان اعود لسانى على الشر. المسألة مسألة تعود يعني انت مسلا لما تكون بتهزز دايما مع صاحبك وتقول له تعالى يا كزارح يا كزارح خلاص بقت لازمة على لسانك. بدون ما - 00:14:16

تقصد بدون ما تشعر بتنطلق هذه الكلمة. انت لما تتعود حتى مع اولادك. اذا الولد جاب حاجة تقول له جراك الله خيرا انما تقصد ان تعلم الولد كيف يقول لك ولغيرك اذا اسدى اليه معروفا. كما علمنا الله - 00:14:56

عز وجل. قال الحمد لله رب العالمين. حمد نفسه ليعلمنا كيف نحمده. كما يقول اهل العلم. يبقى ابا في البيت اعلمه. اقول له بارك الله فيك هات الكبدة. بارك الله فيك افتح الباب. بارك الله فيك رد على الهاتف - 00:15:16

جزاك الله خيرا. احسن الله اليك. بورك فيك. هداك الله. اي كلام جميل. وانت بتطلب اي حاجة وانت تشكر على اي حاجة تعود لسانك على الازمة دي. الولد يطلع متعود على كده. وينشأ ناشي الفتى منا على ما كان عوده ابوه - 00:15:36

فارجو آآ يعني آآ ان تفعلوا مع ابنائكم مثلما تفعلوا مع الشجرة التي تغرسونها على باب بيتكم. انت لما ما تجيئ شجرة عود طري. وتزرعه قدام باب البيت. بتعلمل فيه ايه؟ مش بتتشد بحد؟ لان الشجرة ازا سبتها هتطلع - 00:15:56

خلاص انت بتعلمل فيه ايه؟ شد الساق الشجرة بحق وتربيطه في وتد. ليه؟ علشان يطلع عدل. لو تركت الشجرة لحد ما بقت قد كده وحبست تجيئ بقى جنائزير وبتاع والكلام ده هتخلعلها من جدرها - 00:16:16

خلاص ان الفصون اذا قومتها اعتدلت ولا يلين اذا قومته الخشب. طول ما هو غصن بقى كده يشده ويبيجي معك فما تجييش بقى تهمل الولد تربية الولد بتلم له فلوسه ومتغرب وسايه والكلام ده وبعدين تعوض حنانك وغيابك - 00:16:36

فلوس. زي معظم اللي هم تركوا بلادهم للبحث عن السعة في الرزق. يروح شهرين في السنة ولا يروح شهر في السنة. لما يروح بحوال عيوض غيابه. مش ممكن يبقى غائب طول السنة ويروح يعمل غضنفر في البيت. يقول له ولدك كده غلط كده عيب كده يبقى الشهرين اللي - 00:16:56

وهيكره ابوه كمان فيقوم ايه؟ يشوف الغلطة ويررها. على اساس ان ايه الواد ما يكرهوش. خلاص؟ لا احنا عائز نعامل الاولاد معاملة الغصن الذي تزرعه امام البيت. يبقى انت بقى ايه؟ تعود الولد حسن الكلام حسن الخطاب - 00:17:16
ولا مانع ان تشفع ذلك بان تمسح على رأسه او ان تربط على كتفه او على ظهره. يبقى اي ايه؟ حاجة فيها اشعار بهذا الحنان زي ما عمل ابو اليسر لما آآ فطن الى نباهة الغلام. وهو - 00:17:36

هو بيقول له المسألة دي قال اللهم بارك فيه يا ابن اخي بصر عيني هاتين وسمع اذنيهبني هاتين ووعاه قلبي واسرار الى مناطق قلبه رسول الله صلى الله عليه وسلم قال اطعموهم - 00:17:56

اما تأكلون والبسوهم مما تلبسون. طب الامر هنا على الوجوب ولا على الاستحباب؟ طبعا معرفة الامر على الوجوب ولا على الاستحباب؟ هل هذه مسألة عظيمة. لتعلموا ان ديننا دين محكم. وان المسألة ليست عفو الخاطر ابدا - 00:18:16

ابدا. وان اي واحد يقول واجب ولا مستحب ده هذا خاضع لضوابط علمية ما عرفتها امة من الامم. احنا عندنا الامر. الاوامر ثلاثة. اي في فعل امر يقابلك في اي كلام لا يخرج عن ثلاثة انماط. اما ان يكون - 00:18:46
يجب ان واما ان يكون مستحبا واما ان يكون مباحا. برضه ده ايه؟ دي حصة في اصول الفقه احنا بنتكلم بعد بعد صلاة العشاء في اصول الحديث. ده اصول الفقه بقى. اصول الحديث واصول الفقه - 00:19:16

لا حি�ض الطائر لا يستطيع انسان ان ينهض الا اذا درس هذين العلمين الجليلين كجناحي طائر علم الحديد يصحح لك الدليل وعلم اصول الفقه يصحح لك الاستنباط والفهم يبقى انا بعد ما اتأكد من صحة الحديث السؤال ما المطلوب من هذا الكلام؟ الذي صح عن النبي صلى الله عليه وسلم؟ المطلوب منه - [00:19:36](#)

اعمله اللي لازم اعمله واذا ما عملتوش اثم ولا اذا عملته اثاب وما عملتوش لا اثم ولا انا حر اعمله او ما ما هي دي التلات انواع.
الواجب ما طلب فعله من المكلف على سبيل الحد والالزام. ما لكش - [00:20:06](#)

افعل يعني لازم تفعل. اقيموا الصلاة. اقم اقيموا فعل امر اتوا الزكاة فعل امر. صم رمضان فعل امر. تمام طيب. صلوا قبل المغرب.
صلوا قبل المغرب. صل قبل المغرب اهو ده امر. العلماء يقولون الامر المجرد يفيد الوجود - [00:20:26](#)

ليه؟ لانه جاي من فوق. ما هو الامر اما يجي من فوق لتحقق واما من تحت لتحقق واما من النزير مع النزير. اذا جه من فوق لتحقق دي
تبقى اوامر عليا - [00:21:06](#)

يبقى لا اختيار لك. طب اذا جه من تحت لتحقق يعني انا مسلا اما اقول رب اغفر لي مش اغفر دي فعل امر اي الفرق بينها وبين اقم
الصلاه؟ قال لك اللي قال اقم الصلاه - [00:21:26](#)

رب العالمين فوق. فالامر جاي من فوق لك. وما لكش اختيار بقى. اوامر عليا. تمام طب انت لما بتقول له رب اغفر لي اغفر فعل امر اه.
بس قال لك هذا يفيد الرجاء والتوصيل. يبقى الامر اللي يجي من - [00:21:46](#)

تحت لتحقق مش على الوجوب ابدا. انما هو تذلل وتوصيل. طب الامر بقى اللي هو يجي من من نظير لنظير قال لك ده اسمه الطلب.
فاللي يجي من فوق لتحقق اسمه الواجب. تمام - [00:22:06](#)

واللي يجي من النظير لنظير اسمه الطلب. يدخل بقى في الایه؟ في المباحث. وعلى ابن ابي طالب عبر عن التلات حاجات بكلام جميل.
قال ايه؟ قال احسن الى من شئت تكون اميره. واستغنى عن - [00:22:26](#)

عن من شئت تكون نظيره. واحتاج الى من شئت تكون اميرها. كلماه كان جميل وماشي يعني. تمام؟ فاحنا النهاردة لما النبي صلى الله
عليه وسلم يقول اطعموهم مما تأكلون والبسوهم مما تلبسو. اطعم فعل امر. هذا - [00:22:46](#)

البس فعل امر. العلماء قالوا ان هذا على الاستحباب. لانه لا يشترط ان اطعمه من طعام لكن لازم اكله. اكله اي حاجة. مما تقيم صلبه.
خلاص؟ لانه مملوك عنه المهم لا يجوع. يأكل. ويلبس لا يشترط ان يلبس من نفس القماشة التي البسها انا. المهم انه - [00:23:16](#)

يلبس برد وبيواري عورته. يبقى الامر هنا على الاستحباب. هل ابو اليسر اخذ الامر على الاستحباب خده على الوجوب لانه ليس زيه
بالزيط. اهي دي لفترة تانية تعرفك من هم الصحابة - [00:23:46](#)

لان المملوك مش مطلوب المساواة. مطلوب المساواة تواسيه ولا يشترط ان يساويك. انما تواسيه. الصحابة ما كانواش
يعملوا كده. الصحابة انتقلوا من المساواة الى المساواة. كان الواحد منهم اذا تلقى الامر نفذه تنفيذ من - [00:24:06](#)

يراه واجبا. كانوا يصلون الى سقف التنفيذ. هو النهاردة لو هو اكله ولا لبسه اي حاجة مش برضه قام بما اوجبه الله عليه. لكنه ما
واساه بمثل هذا بل ساوي - [00:24:36](#)

وده ليه؟ لانهم كانوا اذا تلقوا الامر ما يقدوش بقى يقول لك واجب ولا مستحب؟ اذا كان مستحب يبقى ما حر. اعمل ما اعملش عايز
ثواب مش عايز ما كانواش الصحابة كده ابدا. آآ في الصحيحين من حديث سعيد ابن مرجانة - [00:24:56](#)

انه سمع ابا هريرة رضي الله عنه يقول قال رسول الله صلى الله عليه وسلم من اعتق اقر رقبة مسلمة اعتق الله عز وجل عنه بكل
عضو عضوا حتى انه ليتعق بالرجل الرجل وباليد اليد وبالفرج - [00:25:16](#)

فلو فيه عتق وانت مش عارف تعتق رقبة ممكن اشتراك انا وانت طالما المسألة بالقطاعي طب ما نشتراك مع بعض جاية خد لي ودن.
ها او اخد لي عين او اخد لي رقبة او اخد لي راس اي حاجة. طالما انه قطاعي كده - [00:25:46](#)

الرجل بالرجل والعين واليد واليد انا ما عنديش ممكن انا وانت نشتراك ثلاثة اربع يشتراكوا في عتق رقم كل واحد هياخذ له حته منه
يوم القيمة ففي مسنن الامام احمد في هذا الحديث كان علي بن الحسين بن ابي طالب رضي الله عنهما - [00:26:06](#)

جالسا مع سعيد ابن مرجانة وهو يحدث بهذا الحديث. فقال له يا سعيد انت سمعت هذا من اجل ابي هريرة قال نعم. فقال ادع لي مطربا. ومطرف هذا افرح عبد عنده طول بعرض تحطه على اوضة يعرشها. ما هو طالما المسألة ايد باید ورجل برجل - 00:26:26 وزن والكلام ده كله ما قالش هات لي بقى ولد سفروت كده ولا جلد على عضم قال لا هاتوا لي بقى التخين المنزلي فجاء مطرف وقف قدامه قال له انت حر. ايه الاستجابة الباقيه - 00:26:56

اللي كانوا الصحابة عايشين فيها دي عشان كده ربنا نصرهم. سبحانه وتعالى. وآآ في كل غزوات النبي صلى الله عليه وسلم لا نعلم ان النبي صلى الله عليه وسلم ساوا المشركين يوما لا في العدد ولا في العتاد - 00:27:16 غزوة بدر كانوا تلتمية واربعتاشر. والمشركون كانوا الفا. كان المشرك يأكلون في اليوم عشرة من الجمال. يذبحونها. وكان الصحابة يقتسمون التمرات ولم يكن مع النبي صلى الله عليه وسلم في يوم بدر غير فرسين. اللي هي تساوي الطيارات الطائرات المقاتلة النهاردة - 00:27:36

كان معهم بعض البعران يتتعاقبون عليها. كل واحد يركب مرحلة. وانتصر الذين كانوا يقتسمون التمرات على الذين كانوا يأكلون عشرة من الجمال. في غزوة احد كان الامر اطم واعجب بعد ما اتهزم المشركون في بدر وكانت فضيحة بجاجل وفقدوا هيبتهم في الجزيرة العربية ومات صناديدهم - 00:28:06

العقول المفكرة ابو جهل وعتبة ابن ربيعة والجماعة دول حتى ترأس فيهم ابو سفيان لذهب اكابرهم. بقى راس فيه لان ما عادش حد كبير ماتوا كلهم. فطبعا عايزين ننتقل فبدأوا بقى ايه يرصدوا بقى الفلوس - 00:28:36 العير التي نجت في بدر او قفوها لحرب النبي صلى الله عليه وسلم. اي بنى ادم كان له بضاعة غصب عنه لازم سب الفلوس عشان احنا بنعد لحرب آآ الرسول عليه الصلاة والسلام. العين دي كانت الميزانية بتاعتتها - 00:28:56

خمسين الف دينارا ذهبا. ان الذين كفروا ينفقون اموالهم ليصدوا عن سبيل الله فسينفقونها ثم تكون عليهم حسرة ثم يغلبون. الاية دي نزلت عشان وقف العير لحرب النبي عليه الصلاة والسلام. تمام - 00:29:16

استخدمو بقى الحرب المعنوية. استعانا بالشعراة. ان هم يهيجوا القبائل فتحوا باب التطوع للحابيش اللي هم برة قريش فجابوا تقريبا حوالي سبعيني ورجل من الاحباش. المهم في الآخر خالص كانت الموازنة كالاتي. المشركون - 00:29:36 تلتلاف عندهم سبعمائة درع. الدرع ده اللي هو الواقعى. معنى انك انت تدخل تحارب المسألة فيها سيف وايدك مكشوفة السيف ياخد ايدك خالص. معلش هتحارب بايه؟ فكانوا يلبسون ادراع الحديد - 00:30:06

ويلبسون بيضة الحديد يضربوا على دماغه وتنزل على الحديد. يبقى عندهم سبعيني درع. وتلات تلاف مقاتل ومئة فرس مائة فرس اللي هو ايه؟ زي الطائرات المقاتلة ده. الصحابة كانوا الفا. وكان عندهم ميت درع. تمام؟ يعني - 00:30:26

ستميت مقاتل سيقاتلون حاسري الايه؟ الابدان. ما علهوش حاجة. لم كن معهم فرس واحد. ولا فرس. كان معهم في غزوة احد. ومنهم من قال ان كان في فرس وال الصحيح انه لم يكن معهم شيء كما هي روایة موسى ابن عقبة. الالف دول عبدالله ابن ابي ابن ابي ابن - 00:30:56

لما النبي صلى الله عليه وسلم رفض المشورة بتاعتته قام واحد تلتمية وراجع بهم. بقى عدد المسلمين كم؟ سبعمائة. فقط ولما دارت راح الحرب اكتسحوهم في اول عشر دقائق ولا ربع ساعة ولا اول ساعة لحد ما خالفوا - 00:31:26

كان ما كان. في حينين اللي هو الصحابة قالوا لبعضهم لن نغلب اليوم من قلة. لم يكن عندهم يضاهاي عدد المشركين ولا نصف عدد المشركين. ومع ذلك ما غلبوه في غزوة قط. ليه؟ عشان النوعية - 00:31:46

هي دي. النوعية دي. يسمع ينفر. لا يخالف. لا يضع احد في مقابل النبي صلى الله عليه وسلم لان ما فيش حد يوزنه. ولا يجوز ان يوضع احد في مقابلة على الاطلاق - 00:32:06

شباب عايز يوفي لحيته. ابوه معترض. طب ده اعفاء اللحية واجب وليس هذا تصعيدا على الناس. لو الحكم الشرعي بایديينا ولنا حرية التصرف فيه. كنا يسرنا على الخلق. واللي حال - 00:32:26

في حالى مش مشكلة. بس احنا ما نستطيع ان نتصرف. ده كلام كل العلماء المجتهدين الائمة الاربعة وجماهير اصحابهم على وجوب الاعفاء. ابوه بيقول له احلق. بييجي يقول لي احلق ولا هتطلع من البيت؟ فيبيجي يستفتني - 00:32:46

اقول له يا بنى اطع ربك واطع اباك. يقول لي ازاي؟ اقول له لا تحلق واخرج من البيت هو ده الحل. يطيع اباه فيما يأمره به. اطلع من البيت ارميه على الرصيف. اعتبر نفسك يتيم - 00:33:06

وانطلق في الحياة ودور على نفسك. انت بقيت شاب كبير ومثلك كان يقود الجيوش. لكن هي التربية التربية السيئة ان يفضل الاب يصرف على ابنه يطلع الولد يكبر يكبر يكبر الواد ما يعرفش يعمل حاجة اطلاقا ثلاثة وعشرين سنة يتخرج - 00:33:26

في الجامعة وما يعرفش يعمل حاجة. بيتدى يلوظ. ابوه يقول له شف انت اهم حاجة تزاكر. ما لكش اطلاقا اي شغلانة انتبه لدراستك. زاكر خد الشهادة.انا هصرف عليك لحد ما تأخذ الشهادة. خد الشهادة بعد ما ياخذ الشهادة في ايده يقول له شف يا ابني - 00:33:46

انا كده هاموت وانا مرتاح. انا كده اديت اللي علي. طب هل هو ادى ما علي؟ هو مهمته يربى له حد شهادة؟ اه اكثرا الناس يظنون ذلك.

هيطلع الولد متربى غلط. ما يعرفش يعمل حاجة - 00:34:06

وينتظر بقى القوى العاملة وتوظيف الحكومة والكلام ده. وده برضو من افات المجتمعات الزراعية. المجتمع الزراعي عنده نوع من الرتابة لانه بيرمي البزرة يقعد يرويها وبتاع مش عارف ايه ويستنى اما تطلع وتبتت وبعدين يحصدتها. ادي المجتمع الصناعي كل يوم

- 00:34:26

بيتغير. ما فيش حاجة غالبة عند اي حد في المجتمع الصناعي. انما اللي عند المجتمع الزراعي كل حاجة غالبة. وعنده رتابة. يعني انا اقول لكم الحكاية عنى. كان البيت بتاعنا في القرية ينقسم لقسمين. البيت اللي احنا - 00:34:46

اذا كان فيه وبعدين البيت اللي تحت للمواشي والفراس والبط والوز والكلام ده. بين البيتين باب وسط باب كده عشان تمر من البيت للبيت. آآ البيت ده الباب ده بيبقى له شنكل كده او ترباس او كده. المهم الترباس ضاع - 00:35:06

ولو سبناه مفتوح الفراخ بتيجي والبطن والوز ومشكلة هش هش طول ما انت قاعد تقول هش طب عايزين نغلق الباب فقالوا لي قالوا لي هات حاجة تقفل الباب. انا بقى كنت في آآثالثة سانوي - 00:35:26

اعمل ايه؟ طلعت ادور على قولحة اللي هي ايه؟ البتاعة الكوز الدرة. واحد بالك ازاي؟ اللي بینبت عليها ايه؟ الحب بتاع الدرة. وجبت بقى شاكوش وقعدت احفر حفرة. علشان احط القلحة في البتاع - 00:35:46

يقوم يغلق الباب. خلاص عملت العملية دي. تاني يوم ما لقتش لوبة. طلعت ادور تعال قلها. طيب لما اجيبي مسمار واتنبه كده واطويه وخلاص واعمله زي الترباس. مش جاي على بالي. في نوع من - 00:36:06

خلاص قال لك هات قلحة واقفل الباب جبنا قلحة خلاص يبقى هي تفضل قلحة. طب ما اجيبي شنكل اعمل مسمار اعمل اي حاجة؟ ده تفكير نمطي المجتمع الزراعي اللي عايش على الزراعة تفكيره نمطي. لا يتغير زي ما يحط البزرة يفضل - 00:36:26

هو حافظ يزرع ازاي؟ ويستنى ست شهور لحد ما تنبت وبعدين يحصدتها وبعدين يوديها الجن وبعدين يخزنها كده. المجتمع الصناعي مش كده فالصناعي كل يوم بيتغير الدنيا كلها بتتغير انا شفت مرة في سويسرا ولد - 00:36:46

انا اقدر سنه بحوالي سبع سنوات. مع ابوه وامه وهو شايل شنته الخاصة باللي فيها متعاه الشنطة دي اول ما شفتها افتكرت المخلة بتاع الجيش. برميل قد كدهو. والولد شايل وبينو - 00:37:06

وابوه وامه عمالين يضحكوا قدامه يدردوا والظاهر كانوا ايه؟ كانوا فيها ترازبít ولا حاجة. المهم بتلفوا في المطار والولد ايه؟ بينوء بالحمل تقيل عليه. المهم قام خالع الشنطة وراميها في الارض وقعد يتمرغ على الارض يعني نوع من الاحتجاج يعني. ان العملية تقل عليهم كده - 00:37:26

هم بصوا له وسابوه. انا ارقب المشهد. بصوا له وسابوه طبعا لانهم في الاخر هيلفوا لفتهم ويرجعوا له يعني. لف ولفتهم الولد بعد ما اتمرغ شوية في الارض كده قعد. وقعد يبص للشنطة شوية وبعدين قام واحد لافعها على كتفه وطالع - 00:37:46

يجري وراه. احنا بقى نقول له اه تقيلة عليك يا حبيبي؟ ها؟ لا هات اشيل بقى انت شايل تلات شوط وتشيل دي كمان علشان خاطر

الولد ايه الود يبقى مستريح والكلام ده. لا ده نوع من التربية الخاطئة اللي احنا بنقع فيها. يطلع الولد ثلاثة وعشرين - 00:38:06
في الدنيا مش عارف يعمل ايه. احنا نحن الذين يعني اه اه ربينا اولادنا على هذا. احنا بنربى اولاد درس في التربية مهم يجب ان
نربى ابنائنا على السمع والطاعة للنبي صلى الله عليه وسلم. واختبر ابنك. اختبر ابنك - 00:38:26

ودي انا عملتها مع ابني. اقول له ايه؟ اقول له دايما حفظه وهو صغير. يا ابني النبي عليه الصلاة والسلام اذا قال قولوا واي حد في
الدنيا قال قولوا على خلافه اطلع رسول الله. عليه الصلاة والسلام. خلاص - 00:38:46

طبعا ولد صغير استيعابه قليل. وبعدين ايه؟ بيجي الباب يخبط. بعد ما اعرفه ان لا يجوز ان يكذب ولا ولا ولا ييجي الباب يخبط
اقول له بص قل له ابويها بيقول لك قل له ابويها مش هنا. خلاص - 00:39:06

يطلع يفتح الباب ويقول له ابويها مش هنا. يدخل اقول له انت كذبت ليه احنا متفقين ان لا تكذب. طب انا مش هنا؟ لا تكذب. المرة
الجایة لا تكذب بيجي المرة الجایة اقول له ابويها مش هنا يقولها برضو. مرة واثنين وتلاتة عشرة وعشرين الولد برضو ايه يسمع
كلامه. وبرضو - 00:39:26

ارجع اقول له نفس الكلام. ليه؟ لان الولد استيعابه على قدر سنه. لان احنا عندنا الالفاظ كما يقول البلاغيون قولهن الفاظ طالب
المعاني ادي اللفظ. ده الكوبایة دي جسم الكوبایة ده القالب - 00:39:56

اللي هو اللفظ والمایة اللي جوة دي هنشبهها بالمعاني. فالولد الصغير يقول قولهن نفس الالفاظ التي يقولها الكبير. انت بتقول لواحد
صاحبك انا بحبك. او بتقول لمراتك انا بحبك. ابنك الصغير ابو تلات سنوات بيقول لك برضو انا بحبك - 00:40:16
وبيقول لامه انا بحبك. الالفاظ واحدة ولا لا؟ بيقى القالب واحد. تمام؟ لكن شعورك انت بهذا الحب وبمعناه كشعور الولد؟ لا بيقى
المسئلة بتيجي ازاي طيب المية اللي جوة دي كاملة تكون مليانة. فانت عندما تقول اللفظ - 00:40:46

يكون المعنى على قدر اللفظ. المعنى من جوة مليان. الولد الصغير بقى المعنى عنده قد كده هو هو يقول القالب يقول اللفظ اللي انت
قلته بالضبط. لكن لا يقصد من المعنى الا بهذا القدر - 00:41:16

بعض الاباء يقول له آآ الكبريت او عى تولع كبريت لان ممكن تولع فينا. فاهم يقول له حاضر. الاب يلتفت. الله! ياد مش انا لسة قايل لك
دلوقتي اهو الكبريت! خلاص - 00:41:36

ويضربه. انت بتضربه ليه؟ الولد لم يستوعب ما قلته. انت بتصرخ عندك. او ما بيسمعش الكلام ما اوسعش الكلام اه لان هو صغير. ولو
كان يفهم الكلام صغيرا لكلفه ريه. سبحانه وتعالى. انما اجلت - 00:41:56

تكليف لحد ما يكبر والمعاني بتتدى تملأ القالب. عشان كده الولد الصغير احنا بنبغي ان نتعامل معه معاملة رفيقة. ليه القارب اه
بيقولوا صح زي الكبير لكن المعنى اللي جوة القالب ينمو شيئا فشيئا يوما فيوما يوم يوما في يوما كده - 00:42:16
ولا مانع انك انت دانما تستشير ولدك. وتشركه معك في اي قضية تخترعها. يعني مسلا تقول له يا ابني لو معك فلوس هتعمل بها ايه؟
ممکن يقول لك اجيب آآ آآ باللونات وانفع - 00:42:36

وتفرقع. اه فانت بتقول له طيب ما انت لما تفرقها في الهواء كده تبقى كانك ضيعت الفلوس. لا انت معك فلوس بقى لو مر بك واحد
غلبان وواحد مسكين وبتاع جعان تقوم تدي له. تمام؟ سببه اسبوع - 00:42:56

اسألوا نفس السؤال. لو معك فلوس بقى هتعمل بها ايه؟ لو قال لك اجيب باللين وافرقها بيقى الولد نموه العقلي واقف لو قال الكلام
اللي انت اوصيته به بيقى نمو العقل ماشي. تقوم تعرف مقياس الولد - 00:43:16

تفكير العقل شكله ايه؟ هل هو واقف واقف واقف؟ بيقى يستغنى فيها ويفضل طول عمره واقف كده؟ ولا عمال يرتقي كان
بيرتقى السرعة ولا بيرتقى ببطء؟ ما احنا اتعلمنا هذا الدرس من قصة ابراهيم عليه السلام مع ولده اسماعيل. لما قال يا بنى -
00:43:36

اني ارى في المنام اني اذبحك فانظر ماذا ترى؟ ايه رأيك في الموضوع ده؟ فكانت اجابة اسماعيل في غاية الرأي او عى قال يا ابتي
افعل ما تؤمر. تؤمر يعني ايه؟ يعني هذا الامر ليس في ملكه. ولا في - 00:43:56

بل لك امر ولو كان الامر اليك ما ذبحتني. ده انا جيت لك على كبر وبعد ما كبرت سنه تسعين سنة جاله اسماعيل فكلمة تؤمر وهو صبي صغير اشار الى ان اباه ينفذ مأمور - 00:44:16

له امر فيفعل. وبعدين قال له ستجدني ان شاء الله من الصابرين. يا السلام على ان شاء الله دي. ان شاء الله ده استثناء. ومن استثنى لا يلام اذا خان - 00:44:36

عشان كده النبي صلى الله عليه وسلم قال من استثنى لم يحيث. واحد قال والله العظيم اذا ما عملت كذا هعمل فيك كذا. وبعدين ما عملش يبقى حنف في اليمين يلزمك كفارة - 00:44:56

لكن لو قال والله العظيم ان ما عملت كذا ان شاء الله لافعلنك كذا. ما عملش ما عليهوش حاجة. عشان كده الفقهاء يقول من قال لامرأته انت طالق ان شاء الله لا يلزمك الطلاق. اذا لم يطلق. ليه - 00:45:16

قال لك ده استثناء ينفع العبد. فهو قال له ستجدني ان شاء الله من الصابرين لأن القلب ينفسخ عزمه. فإذا انفسخ العزم كانه قال انا لا حول لي ولا قوة. انما المسألة موكولة الى الله عز وجل - 00:45:36

وانا لا استطيع ان اصبر. ممكن انت تقرأ سيرة حد من العلماء تلبس الدور. ابن تيمية مسلا مش عارف ايه وراحوا وخدوه وحطوه في السجن وثبت على الحق وبتاع انت عمال تقرأ سخنت سخنت فتقول لنفسك لو جم خدوني دلوقتي وكرباجوني وموتوني ومش عارف ايه انا هبقي زي الجبل - 00:45:56

خلاص هو بس انت بس عايزيين ايه؟ انا اللي عملت كل حاجة. هات بقى اما وقع بس ارحمونى. ها! بقى عزم القلب بينفسخ. عزم القلب بينفسخ. فانت ما تجييش بقى في الملمات والمصابب وتصور انك انت هتبقى جدع - 00:46:16

كوييس وثبتت. فاسمعايل عليه السلام يقول ستجدوني ان شاء الله من الصابرين. فيعني لم يركن الى نفسه وجعل المسألة موكولة الى الله عز وجل فثبتته. فالقصد يا اخواننا بقى الواحد وهو بيربي الولد يقوم يستشيره بقى في اي يجيب اي مسألة - 00:46:36
يففترض اي مسألة لها قيمة. وبعدين يقول له الكلام يشوف اجاية الولد الاول ايه وبعدين يجاوب الاجابة الصحيحة. وسيبه بقى يوم يومين ويسائله نفس السؤال ويراقب هذا النمو العقلي. خلاص؟ فانت لما تقول له اذا النبي عليه الصلاة والسلام قال لك قولنا او سمعت الله عز وجل يقول لك قوله - 00:46:56

وقال لك اهل الارض اجمعون. افعل كذا على الخلاف يا بني لا تفعل. وتبتدي تتعاهد هذا الاصل الكبير مع الولد من الصغر انه لا يضع في مقابل النبي صلى الله عليه وسلم احدا على الاطلاق. يطلع الولد عنده الدين سجيا. النصوص كانت - 00:47:16

سهلة على الصحابة لانه لما كان يسمع النص ينفذه. فكان سهل انه ايه؟ انه ينفذ النص كما يتمنى. بقى عنده ملكة سجية خلاص؟ يعني في صحيح ابن حبان من حديث ابي المصباح المقراني قال كنا نغزو بلاد الروم - 00:47:36

وكان تحت امرة ما لك بن عبد الله الخثعمي. ومعنى جابر بن عبد الله الانصاري. فجابر بن عبد الله الانصاري قال رضي الله عنهمما معه بقى ايه؟ الركوبة بتاعته الدابة. بس ساحبها وهو ماشي جنبها. فمالك - 00:47:56

ابن عبد الله القائد الجيش يعني بيقول لجابر ايه؟ اركب فقد حملك الله. انت ماشي جنب الدابة ليه؟ اركبها وريح رجليك فقال له جابر استغفي عن قومي واصلح دابتي. بريحها وفي نفس الوقت استغفر - 00:48:16

عن قوم اني سمعت رسول الله صلى الله عليه وسلم يقول من اغترت قدماه في سبيل الله باعد الله عز وجل بينه وبين النار. خلاص. اللي مخلي جابر ابن عبد الله - 00:48:36

انه ايه طول ما هو ماشي رجليه عمالة تعفر وبتاع والغار وده داخل مناخيره ولا يجتمع غبار ودخان جهنم في مسلم كما قال النبي صلى الله عليه وسلم. عايز ياخذ الفضيلة دي. فمالك بن عبد الله اليذني اللي الخثعمي كان بيكلم جابر - 00:48:56

وايه وهم متاخرين شوية عن الجيش. اول بقى ممالك بقى في وسط الجيش. قام منادي على جابر بصوت عالي. قال له اركب فقد حملك الله. فلما قال له الكلام ده تاني فجابر فهمها. قال ده هو - 00:49:16

بيقول لي كده علشان انا اقول الحديث والدنيا دي كلها تسمع. خلاص؟ فلما فطن الى مراد ما لك رفع صوته ايضا في الاجابة. فقال

بصوت عال استغنى عن قومي واصلح دابتي. اني سمعت - 00:49:36

رسول الله صلى الله عليه وسلم يقول من ايهه؟ ها؟ من اغبرت قدماه في سبيل الله باعد الله بينه وبين النار. اول ما جابر ابن عبد الله قال الكلمة دي فتوائب الناس عن دوابهم. كل - 00:49:56

فما رأيت يوما اكتر منه ماشيا كما رأيت في هذا اليوم. ايه رأيكم الاستجابة دي. اسمع من اغبرت قدماه كله يقفز من على الدابة ينزل على الارض. لذلك عزوا وكان - 00:50:16

جديرين بان يؤيدهم الله عز وجل بالملائكة. وبسلاح الرعب. سلاح الرعب ده مخصوص هذه الامة بس تستحقه. يعني احنا مسلا بنسمع عن الاعاصير اللي عمالة تضرب البلدان. الاعاصير زي ما انا سمع النهاردة طبعا الكلام من حوالي خمس ست سنين برضو اعصار ضرب بلد من البلدان كانت الخسائر المبدئية - 00:50:36

في اربعين مليار دولار. وطبعا احنا طبعا كنا عارفين ان الارقام غير حقيقة. الارقام الخسائر لا حقيقة واي دولة في الدنيا لا يمكن تقول الارقام الحقيقة للخسائر. ابدا من باب رفع الروح المعنوية والكلام ده. اربعين مليار دولار - 00:51:06

لو انت داخل في معركة ما عدوك وتهضره يضررك ممكن تخسره اربعين مليار دولار في اهو ربنا خسرهم اربعين مليار دولار. في يوم. خلاص؟ بعديها تسعه وعشرين يوم ضرب الاعصار جزيرة ايضا من الجزر. وصغيرة جدا. كانت الخسائر المبدئية - 00:51:26 لهذا الاعصار خمسة مليارات دولار. يعني في شهر تلاتين يوم الخسائر المبدئية خمسة واربعين مليار دولار. فلماذا نفر من الله؟ وهو القوي العزيز. لا سيما واحنا عايشين الهزائم كل يوم هزيمة كل يوم بنشرب الهزائم. ونورث الهزائم لجيينا وابنائنا. يطلع اباؤنا - 00:51:56

يرون اننا قوما لسنا قوما اعزاء. شربنا الذل والهزيمة والعار وعشنا على كده. سلاح الرعب النبي صلى الله عليه وسلم قال لما جه يفسره يعني ونصرت بالرعب مسيرة شهر. يعني ايه مسيرة - 00:52:26

يكون بيبي وبين عدو مسافة لو قطعتها اقطعها في شهر كامل هو مرعوب من اني مع هذا بعد. ادي سلاح الرعب. وقدف في قلوبهم الرعب. لكن النهاردة هو اذا مكن لنا ونحن بهذا الحال ما الفرق بيننا اذا ملكتنا وبين الكافرين؟ ايه الفرق يعني؟ بلاد - 00:52:46

المسلمين مليانة احزاب. كل حزب له تصور في الحياة اذا حكم الحزب له برنامج. لأن الله عز وجل ما انزل كتابه ولا ارسل رسولا علشان الاحزاب دي كلها بتضع تصورات جديدة للحياة - 00:53:16

وتضع معايير جديدة للحياة. وكل ده خارج الاسلام. طب والاسلام؟ قال لك الاسلام في المساجد تعبد ربنا وتعطيه زي ما انت عايز جوة الجامع. اذا خرجمت من عتبة المسجد يحكمك القانون - 00:53:36

اذا انت تمشي في الدنيا بامان القانون وليس بامان الاسلام. علشان كده انت ممكنا وتسأل اللي لابس ميكروجيوب يعدي ويأخذ تعظيم سلام. ليه؟ لانك لا تمشي في الدنيا بامان الاسلام. الاسلام يقول الطائع لربه عز وجل يمر. ويوقر ويدافع عنه. والعاصي يؤدي - 00:53:56

فلما يكون اي بلد من البلدان فيها حزب واثنين وتلاتة واربعة وخمسون بقى احزاب اخرى. وكل حزب لا ينطلق ومن دينه انما له تصور خاص. يتحقق مصالحه يتحقق مآربه. بيقى احنا لو لو حكمنا هل ممكنا - 00:54:26

تغير خريطة العالم بامثال هذه الاحزاب. طبعا لا يمكن. ولذلك لا يمكن لنا ابدا الذين ان مكناهم في الارض اقاموا الصلاة واتوا الزكاة وامروا بالمعروف ونهوا عن المنكر والله عاقبة الامور. لم يمكن لك لان هو له - 00:54:46

عاقبة الامور. المشركون الان يرمون الفحش في المحيط. ويرمون الدقيق في المحيط هنا اللبن في المحيط حفاظا على السعر العالمي وتلت الكرة الارضية يموت جوعا. لو ملك المسلمين هييمكن ان - 00:55:06

عند المسلمين فائض يرمونه في المحيط ويتركون هؤلاء يموتون وهم يسمعون نبيهم صلى الله عليه وسلم يقول لك في كل كبد رطبة اجر. ويسمعون النبي صلى الله عليه يقول دخلت امرأة بغي الجنّة في كلب سقتها. امرأة بغي يعني تتاجر - 00:55:26

بعرضها ما زالت مرة ولا اتنين ولا تلاته ولا اربعه زنة الف مره. لو قلنا لاي رجل دارس شريعة امرأة زنت خمسين مره وسقط كلبة. هل يمكن: سقايا الكلاب دبت تغفر ذنبة واحدة؟ الجواب - 00:55:56

الله طاعت فمه اقت کار راهی الشهادة - 00:56:16

ومن العطش ما فيش معها ماعون ولا طبق ولا بتابع لم تجد الا موقعها والحداء بتاعها نزلت صعب على صعب عليها يعني ملت المكسقة
فشك الله ام افخفا ام ابأ ام افخفا ام ادعا حاجة بعزم في المقابل - 00:56:36

فشكراً لله لها فغفر لها. لا يسأل عما يفعل. اهـ حاجة يعني وفي المقابل - 00:56:36

دخلت امرأة النار في هرة. وكمان النبي صلى الله عليه وسلم قال لا تجعلوا الدواب كراسى الدابة تركبها وهي ماشية. لكن اذا وقفت
انذا من عل.. ضبها ما تعملاهاش كبس... شف الففة - 00:56:56

انزل من على ضهرها ما تعملهاش كرسي. شف الرفق - 00:56:56

الدواب مش بالبني ادمين. الرفق بالدواب. وعندنا عندنا كتاب للحافظ السخاوي. رحمة الله في حكم الاسلام في الدواب. فلو ملك المسلمين يمكن ان يفعلوا هذا الذي يفعله الكافرون ابدا. ولذلك خسر العالم كثيرا بتخلف المسلمين عن دورهم. واحنا الان بناواهه -

00:57:16

حملة تغريبية كاملة. اصول الاسلام نفسها بدأ يبقى فيها نقاش. والكفر البوح بينشر في ديار مسلمين باسم حرية الرأي. في احد آن

الدروس واحد شاب ارسل لي كتابا. الكتاب ده مؤلفه واحد - 46:57:00

ومنشور ديوان شعر، المقدمة بيقول فيها هذا الكاتب يا رب ليه يا رب رحمتك ما بتجييش. يا رب كفاية تطنيش. والله يا اخواننا انا اقول العباره كما هي . واحد يقها . لينا كده كفاية تطنيش . عابن يق . النص بنزا . هؤلاء هم الذين - 00:58:06

العبارة كما هي واحد يقول لربنا كده كفاية تطنيش وعايز بقى النصر ينزل هؤلاء هم الذين - 00:58:06

فضيقوالديار واغلواالاسعار وهم اللي اخروا النصر. عشان كده المسألة يعني لها جذور عميقه بسبب تفريط الاباء في تربية ابنائهم.
يبي احنا يقى الحيل بتاعتنا الحيل ما احنا دققة واحدة بس - 00:58:36

يبقى احنا بقى الجيل بتاعنا الجيل ما احنا دقيقه واحدة بس - 36:58:00

الجيل بتاعنا جيل ابائنا الذي شرب كل الهزائم. نقل لنا الهزائم ايضاً. واسح كان الشعار كل عيش بس احنا بقى مش عايزين نغلط هذه الغلطة. يبقى نربى اولادنا تربية صحيحة. يبقى التمكين ممكن يبجي مش جيل ابائنا - 00:58:56

الغطه. يبقى نرسي اولادنا نرسيه صحيحه. يبقى التمكين ممذن ييجي مش جيل ابنائنا - ٥٦:٥٨:٥٥

يمكن حينئذ ان نسترد بعض ما وبه الله عز وجل لهؤلاء الصحابة الكرام. افضل يا اخي - 00:59:16

يمكن حيـنـدـاـن سـرـدـ بـعـضـ ماـ وـهـبـهـ اللـهـ عـرـ وـجـلـ لـهـوـلـاءـ الصـحـابـهـ الـفـراـمـ. الفـعـلـ يـاـ أـحـيـ

وهو قوله تعالى: **فَنَحْنُ نَرِيدُ أَنْ نَعْلَمَ إِبْرَاهِيمَ الْأَصْمَعَ وَالظَّاعِنَ لِكُلِّهِ لَنْ يَسْمَعَ أَوْ يَطْبَعَ إِلَّا اذَا عَرَفَ قَدْرَ الْأَمْرِ فَدَرَ الْأَمْرُ وَهُوَ اللَّهُ عَزَّ وَجَلَّ يَعْرُفُ قَدْرَهُ**

ويوفره ويعرف قدر النبي صلى الله عليه وسلم ويوفره. اذا قام كل منا بتربية ولده تربية -

صحيحة فلا شك ان هذا يؤثر على الجيل كله. يسمعون ويطيعون ولا يخالفون فلاجل هذا الصحابة كانوا اذا يعني سمعوا الامر من النبي صلى الله عليه وسلم لا يقول الواحد واجب ولا مستحب انما كان - 01:00:06

النبي صلى الله عليه وسلم لا يقول الواحد واجب ولا مستحب إنما كان -

ابن تیهان ده صحابي جلیل آآ کان له آآ بستان - 26:01:00

ابن بیهان ده صحابی جیل ۱۰ کار له ۱۰ بسیار

فجاع النبي صلى الله عليه وسلم يوماً فخرج فوجد أبا بكر قال خرجت لاري النبي صلى الله عليه وسلم وأصحابه هو جواعن. بس ما قالوش - 01:00:56

01:00:30 - واصحابه. هو جوغان. بس ما فالوس -

السبب الحقيقي جاء عمر فمشيوا لحد ما لعوا عمر ابن الخطاب ما احرجك يا عمر؟ قال الجوع فعال النبي صلى الله عليه وسلم وهو الذي اخرجني. وخدوا بعضهم وراحوا على بيت ابي الهيثم ابن التيهان - 01:16

اليوم ما اكرم اضيافا مني واتى بعذق سباتة بلح كاملة ووضعها امام النبي - 01:01:36

عنزة. قال اياك والحلول. لا تذبح حلوبا. المهم - 01:02:06

كل ده ابو الهيثم بيعمل الكلام ده بنفسه. اكله وشربه وحمدوا الله عز وجل. وقال له النبي صلى الله عليه وسلم آآليس لك خادم؟ قال له لا. قال ائتنى غدا. كان جاي بقى اعبد من البحرين - 01:02:26

فاللهم لما جا له تاني يوم قال له ايه؟ انتق عبدا. كان في اتنين وصلوا. قال له انتقي واحدا منهما فقال رسول الله اختار لي فقال صلي الله عليه وسلم المستشار مؤتمن خذها - 01:02:46

فاني رأيته يصلى. طبعا مش معناه انانا ما بصليش. ها؟ لكن ممكن يكون له هيئة حسنة بتاع عليه سمعتن. قال له خذ هذا. قال خذه واحسن اليه. خل بالك اللي ما عندوش خاتم. وده هيكيفيه المؤمن - 01:03:06

فلما اخذوا ودخل به البستان فقالت له امرأته ماما اعطاك النبي صلى الله عليه وسلم؟ قال اعطاني عبدا وقال لي احسن اليه. قالت يا ابا الهيثم ما فانت ببالغ وصية رسول الله صلى الله عليه وسلم الا ان تعتقه. اه طب ما انا احسن اليه طب ما اخف - 01:03:26

الشغل طب ما احسن ايدي باي حاجة البسه بردة ومعافري انا وهو بنقى مع بعض كده. لأ ما كانواش يعرفوا الكلام ده اذا امر بالامر وصل الى السقف. هم كده انعودوا على كده. فقال له - 01:03:56

انت حر. اه طب هو النبي صلى الله عليه وسلم اداه له ليه؟ ما هو لما لقاه تعبان وشقيان ورایح وهو بيخدم نفسه فاداهوله. لكن لما يقول له خذه واحسن اليكم السست الصالحة دي تشير عليه تقول له ما انت ببالغ وصية رسول الله صلى الله عليه وسلم الا ان تعتقه -

01:04:16

فسوف كيف فعل ابو الهيثم بردو ابو طلحة الانصاري ذاك الرجل الجود ليلة من الليالي عمال يتقلب في الفراش بتاعه. مش جاي له نوم. امرأته المرأة العاقبة التي لو وزع عقلها على نسائنا لضجنا من عقول نسائنا. الرساوة بتاعتتهم ومن عقلهم والكلام ده. لو عقلها بس يتوزع على - 01:04:36

كلنا. ام سليم رضي الله عنها. امرأة ابي طلحة. شافتة عمال يتقلب في السرير ومش جاي له نوم. قالت ما لك يا ابا طلحة؟ ارادك منا امر اعتبك. يا سلام على الكلمتين كل ما اقراهم جلد ينمل. ارابك منا امر فنعتبك - 01:05:06

يعني انا غلطت في حاجة اعتذر لها السست بقى جوزها مش اتقلب على السرير اتقلب على البلاطها ولف. ما لك يا جدع! ما لك يا راجل! ها! اه مسألة الملاحزة دي قلت - 01:05:36

قلة غباء المرأة بسبب ان الامهات ما ربوا النساء. السست العاقلة اول يوم تدخل يدخل عليها زوجها تبقى منشغلة بمفاتيح شخصية هذا الزوج كيف ترضيه لازم يصرح مية مرة انا بكره الحاجة ديت ما تعملهاش. لا تتعلم بقى ازا خد نفس وما تكلمش - 01:05:56

يبقى عايز يقول ايه؟ بص للسقف يبقى عايز يقول ايه؟ والسست تقدر توصل للمرحلة دي بسهولة. لو انها راقبت مفاتيح الرجل واية ذلك معلش انا بطلع كتير لكن اهو كله فايدة اية ذلك ان الام لما يكون - 01:06:26

كلها ولد صغير بيصرخ الولد اللي بيصرخ ده بيصرخ بسبب تلت حاجات وممكن تزيد لاربعة ولا اي حاجة لكن تلت حاجات اما انه بيصرخ لانه جائع واما بيصرخ لانه عنده مغص واما بيصرخ عايز يتشار عايز حد يشيل الام - 01:06:46

هي شغالة في المطبخ منهمكة. الواد يصرخ مرة تلاقيها سابت شغلها وجرت عليه. ومرة تسيبها يرن ايه اللي خلاها تجري في المرة دي وايه اللي خلاها تتصبر على صرافي في المرة الثانية؟ هي عارفة. كل صرخة لها رنة - 01:07:06

سرقة المغص لها رنة انت لو قلت لها او صفي لي الرنة دي تقول لك ما اعرفش. هي حاجة كده بتدخل في قلبي اعرف اللي عنده مغص. اعرف انه جعن. اعرف انه بيدلع. الرنة دي كيف لاحظتها المرأة - 01:07:26

مع ان الفرق بينهم يعني لا يدرك الا بالقلب. كما انها وصل فهمها الى التمييز لأدده فهم الرجل اسهل من كده. يتوم تراعيه دي بتكبر في قلبها جدا. او - 01:07:46

ده شف عائشة رضي الله عنها لما في الحديث في الصحيحين لما احنا في نساء بيسمعونا؟ ها؟ طيب ماشي حلو اووي ها بس انا مش عايزهم يزععلوا لما قلت غباء المرأة يعني. هو برضو فيهم اغبياء وفيهم اذكية برضو. والراجلة فيهم كده برضو - 01:08:06

آآفي الصحيحين من حديث عائشة رضي الله عنها قالت كان الصحابة يتحررون بهداياهم ليلة عائشة عارفين انها محبيه للنبي صل

الله عليه وسلم. وحبيب حبيبي حبيب. فعلشان يوصل له لقلب النبي برضو والكلام دهوت وهو عند السيدة عائشة يقوموا يودوا
الهدايا - 01:08:26

فتكون عندها هدايا كتير. زوجات النبي صلى الله عليه وسلم الاخريات الله! اه عندها هدايا ملك اوضة واحنا ما عندناش حاجة. طب
نعمل ايه في المسألة ديت فقال لك نرسل للنبي صلى الله عليه وسلم احب الناس اليه. يتوسط في العملية دي. فارسلوا فاطمة اللي
هي حنة من النبي - 01:08:46

عليه الصلاة والسلام. فالسيدة عائشة بتقول اهانا وانا مع النبي صلى الله عليه وسلم وهو في لحافي دخلت فاطمة لا تخطي مشيتها
مشية رسول الله صلى الله عليه وسلم. بتمشي زي بالزبط. حركة ايديها وحركة جسمها زي عليه الصلاة والسلام. فلما رأها -
01:09:06

قال اهلا بابنتي. واجلس على السرير ما تريدين يا ابنتي؟ قالت يا رسول الله ان زوجاتك يسألنك العدل في ابنة ابى قحافة. ابنة ابى
قحافة اللي هي عائشة. فالنبي عليه الصلاة والسلام فطن وعرف - 01:09:26
ماذا تريدين؟ قال بنتي اتحببني؟ قالت اجل. قال احبي هذه. خلاص خلصت. ما عدش كلام بعد كده. رجعت. وكنا ازواج النبي صلى
الله عليه وسلم مؤتمرات في بيته اله قاعدين كلهم في ايه؟ في بيت واحدة مستنيين الايه؟ الرد. فدخلت فاطمة فقالت والله لا
اراجعه فيها ابدا - 01:09:46

فارسلنا احب ازواجيه اليه بعد عائشة الا وهي زينب بنت جحش رضي الله عنها ام المساكين. فدخلت زيد. برضو النبي صلى الله عليه
 وسلم برضو ايه؟ والنبي في دخلت زينب فتكلمت واضجعت. قالت كلام تقيل - 01:10:16
 خلاص يا عائشة رضي الله عنها تقول وهي التي كانت تسامي في ازواج النبي صلى الله عليه وسلم. احنا كفرسة يا ريهام تسامي
 في المنزلة الشاهد بقى من الحديث ده قالت عائشة بعد ما السيدة زينب كلمتها كلمتين كده تقال يعني - 01:10:46
 قالت فنظرت الى وجه النبي صلى الله عليه وسلم هل يكره ان انتصر؟ يعني لو رجع لو ردت عليه هيزععل؟ شف رعاية المرأة لزوجها
 تبعص لوشه عارفة تقسيم وشه ترد امتى وتسكت امتى؟ هو ده دي المرأة الصالحة؟ زوجها مش يحتاج يقول لها انا - 01:11:06
 انا بتنكذ لما تعملي كذا. وكل ما بيجي تندك عليه يقول لها انا بتنكذ انك تعملي كذا. فلما يزهد يسجل ساعة كاملة على شريط
 كاسيت انا بتنكذ انا بتنكذ يقوم مشغل الايه؟ التسجيل. انا بتنكذ انا بتنكذ عشان الولية تنتبه - 01:11:36
 وتاخد بالها وبرضو ما فيش فايدة. بيقى دى كيف تصل في قلب زوجها؟ ازاى ترقي المرأة اللي زي دي؟ وهي غبية بهذه الصورة لا
 يمكن طبعا تصل. لكن المرأة لما تكون لماحة والزوج طبعا برضو بيقى لماح يعرف المرأة فاهمة ولا لا. فاتبع مراضيه ولا لا؟ لا شك انها
 01:11:56 -

تصعد على قبة قلب. فعلشان كده احنا بنقول ام سليم ابو طلحة مش بيتقال في السرير مش جاي له نوم. تقول له انا غلطت لو انا
 كنت غلطت في حاجة قل لي وانا اعتذر بس عرفني غلط. هل رابك منا - 01:12:16

فشيه فنعتبك؟ فقال لها نعم حلية المرأة المسلم انت. ما فيش زيك. ولكن جاء اني مال ولا ادرى ماذا افعل فيه. قالت يا ابا طلحة
 اقسمه في ارحامك. قرايبك وكان المال اللي وصل لابي طلحة ثلاثمائة الف درهم. فقال لها نعم الرأي - 01:12:36
 يعني كانت غاية عنه؟ يعني هو لو عايز بقى يفرق التلتمية الف دول مش هيعرف يوديهم فين ابو طلحة؟ هيعرف يوديهم فين ثم
 انظر الى ام سليم كيف اشارت عليه؟ اقسموا في ارحامه. قال نعم الرأي. ونام - 01:13:06

الصحابة دول جيل ليس له نظير. عشان كده اللي يتعدى على الصحابي لو فيه سلطان شرعى يؤدب عدى على صحابي وانا يعني
 مش عايز يعني حد يفهمني بالمبالغة واقول ان اشتراك نعل اي صحابي افضل من امة من هؤلاء - 01:13:26
 ان لعنه كان يغبر به في سبيل الله. كان يلبس النعل ده وهو يجاهد وما كانوا يمشون بالنعال الى معاصي انما الى مراض وھؤلاء
 ضجت الارض منهم ومن فسقهم ومن تجن - 01:13:46

ومن تعديهم يسبون اصحاب النبي صلى الله عليه وسلم ويذمهم الزاعم منهم ان اصحاب النبي صلى الله عليه وسلم ماتوا جميعا على

النفاق ما عدا زد. ماتوا جميعا على النفاق. يعني يبقى اذا كل الاحاديث التي رواوها وفيها الاحكام الشرعية نسفتها - [01:14:06](#)
لانه منافق. لانه فاسق. يبقى انا هচعد كل الروايات اللي هتتيجي عن طريقه. يبقى هذا الضياع المبرم للدين. عشان كده تربية ابنائنا على محبة هذا الجيل ده طوق من اطواق النجاة. واصحابي امانة لامتي - [01:14:26](#)

فازا ذهب اصحابي اتنى امتى ما توعد. فالصحابة امنة لهذه الامة. احنا نعلق اولادنا بهذا الجيل الفريد الذي لا نعلم جيلا جاء بعده قط مثله بل ولا اعلم جيلا قبله - [01:14:46](#)

احنا عندنا اصحاب موسى عليه السلام. ما الكلام الذي قاله موسى فيهم عليه السلام؟ قالوا الله عز وجل واختار موسى ماشي. انا عايزة تأخذ بالك كنت بتقول الكلمة اللي انا وقفت عليها. واختار موسى من قومه. في قومي - [01:15:06](#)
غلط؟ اه. الصح ايه؟ واختار موسى قومه. ما قالش منه قومه سبعين رجلا لميقاتنا. السبعون دول لما راحوا هناك في المناجاة قالوا لن نؤمن لك حتى نرى الله جهرا. دول افضلبني اسرائيل عشان كده - [01:15:36](#)
لم يكن نسياك واختار موسى من قومه مما يدل على انه لم يترك خلفه فاضلة. هم دول الفضلاء بس. هم دول قوم لو كان واختار موسى من قومه يبقى خد شوية فضلاء وساب شوية وراح لان مين للتبعيض؟ لكن لما - [01:16:06](#)
تقرا واختار موسى قومه يبقى هم دول بس. واللي ساهم وراح لأفضلبني اسرائيل السبعين بقى النقاو منبني اسرائيل يقوم بروح يقول له لن نؤمن لك حتى نرى الله جهرا - [01:16:26](#)

او مال اللي ساهم عملوا ايه عدوا العجل. عرفت انهم غجر ساهم وراح. عبث العيد والنقاوة قالوا له لن نؤمن لك حتى نرى الله جهرا.
كان حكم موسى على السبعين الفضلاء دول ايه - [01:16:46](#)

بما فعل السفهاء منا يعني افضل سبعين عنده سفهاء امال اللي ساهم قرائيه ايه لا يوجدنبي حظي باصحاب كتبينا. اصحاب مباركين
نحن لا نعلم نبيا من نحن لا نعلم شيئا عن حيات اينبي من الانبياء ولا تفاصيل حياته - [01:17:06](#)
لا نعلم شيئا عن ابراهيم عليه السلام كيف كان يأكل؟ كيف كان يشرب؟ كيف كان يعامل نساؤه؟ كيف كان يعامل اولاده؟ كيف كان
ينام كيف كان يقوم ولا نعرف الكلام ده عن اينبي. هو نبيانا صلى الله عليه وسلم فقط. مين اللي - [01:17:36](#)
ينقل لنا كل هذا الكلام. اصحابه حتى قيل لخباب بن الارط رضي الله عنه اكان النبي صلى الله عليه وسلم يقرأ في الظهر والعصر قال
قال نعم. فايش عرفك؟ دي صلاة سرية. قال - [01:17:56](#)

كيف كنتم تعرفون ذلك؟ قال باضطراب لحيته. هم بيصلوا ورا ولية النبي صلى الله عليه وسلم تماما ما بين عن الريب تزععش كده لما
كان وهم يربقونه في هذا. ويقول ابو حميد الساعدي قلت لارقبن صلاة رسول الله - [01:18:16](#)
صلى الله عليه وسلم. قام رايج قاعد جنبه وهو بيصلني. عشان يشوف بيعمل ازاى وبيتنى صوابع رجله ازاى وبيفلت صوابعه ولا
بيضمها والكلام ده يقوم بروح يالله. ازواج النبي صلى الله عليه وسلم نقلوا كل شيء وكانوا يروحوا يسألوا عن عبادته في بيته. كيف
كان يفعل في بيته - [01:18:36](#)

فما نعلم نبيا حظي بصحابي خير وبر وتقى ووفاء كتبينا صلى الله عليه وسلم ايه بقى؟ نبتلى بقى بالعقوق لهذا الجيل الكبير الفريد
الذى نقل لنا هذا الدين بمثل هذا التفصيل؟ والله هذا عقوق ما نستقل به - [01:18:56](#)

ولا نستطيع ان نتحمله. عشان كده يا اخواننا تربية الاولاد على محبة هذا الجيل. بدل ما بتقول له مسلا بالليل حدوتة ابو وبرجل
مسلوحة ما نقول له حدوتة حد من الصحابة عشان يحفظ الاسماء الفاضلة دية. اجيب له بقى ابو بكر الصديق واكرر عليه -
[01:19:16](#)

واسوغ الحكايات الهجرة ودخول الغار والكلام ده اصوغها باسلوب شيق حلو الولد يحبه ويعتبره انه حدوتة وقصة بيسمعها قبل ما
ينام يقوم يترك سمعه هذا القصص يطلع الولد متربى على ما تحدث هذا الجيل يحكون في قصة محمد الفتح واختتم - [01:19:36](#)
الكلام بها ان امه كانت تأخذه على شاطئ البحر. وهو صغير وتحديثه ان بلاده وراء هذا الماء ان في بلاد وراء هذا الماء ينبغي ان ان
يدخلها الاسلام. طلع محمد الفاتح بيركب البحر. نفسه يرى ما هي البلاد لان هو طبعا لما يعني يرسل - [01:19:56](#)

وهو لا يرى شيئاً. لا يرى غير الماء. ايه بقى البلد اللي وراء الماء دي؟ فكان نفسه يعرف البلد اللي وراء دي من الله عز وجل عليه وعلى جيشه ونال البشري الاولى. النبي صلى الله عليه وسلم قال فيها لتفتحن قسطنطينية - [01:20:26](#)

ورومية. فقيل يا رسول الله اي المدينتين تفتح اولا؟ قال قسطنطينية فتحها محمد فتح قسطنطينية اللي هي في تركيا. وحول كنيسة صوفيا الى مسجد. وآآ يعني قصة محمد الفاتح معروفة وتبقي روما مستفتحة. بشارة رسول الله صلى الله عليه واله وسلم.

ولكن - [01:20:46](#)

ليس بهذا الجيل. فانت اذا كان يعني ابوك قصر في تربيتك. وما فتحش عينك عن الاسلام اديك سمعت الكلام. يبقى قم بالواجب المنوط بك ورب ولدك. واختر ولدك ولا دين واوقفهم لله عز وجل. ومش معنى الوقف لله انه لازم يطلع فقي. زي ما الناس يقول لك كل ما نقول وقف يقول لك فقي - [01:21:16](#)

ففي حكاية عجيبة جدا ان ولد كان في آآ في مدرسة ميري مدرسة يعني العام الحكومي وبعدين الولد ده وهو سنه سبع سنين عمي. [01:21:46](#)
لما عمي ابوه قام مطلعه من المدرسة موديه الكتاب -

القصة دي قيلت لشيخ من الشيوخ فتلا قوله عز وجل ويجعلون ما يكرهون. يعني الواد مية يبقى يتعلم طب وهندسة والكلام ده. ان اصابته افة يبقى بتاع ربى لا انا عايزك توقف هذا الولد لله. ويطلع زي ما هو عايز. يطلع طبيب - [01:22:06](#)

يطلع مهندس يطلع اي حاجة بس يبقى لله. اذا كان طبيباً سيكون لله. مهندساً سيكون لله. كناساً سيكون لله. مش لازم يعني يعني لما اقول لك او قفه لله عز وجل لازم يطلع فيه لان ممكن الولد ما يكونش عنده موهبة العلوم الشرعية. برضه ما انت لازم تراعي المسألة دية. انت نفسك اه يبقى عالم. لكن ليس عنده - [01:22:36](#)

ادي الموهبة خلاص لا نقف امامه ونقول له لا لازم تطلع يعني لازم تطلع. لا. لكن اذا رأيت نباهة في الولد وجبت له المربيين وقعدت مع طلاب العلم والشيوخ والكلام ده فرأيت فيه نباً فتعاهد الولد. وان شاء الله في يعني اليوم الاخير اللي هو يوم الاثنين - [01:22:56](#)

القادم باذن الله تعالى في هذا المسجد حاول اكتب يعني ايه نواة مكتبة اه لطالب العلم اللي هو بحيس ان اي واحد من الجلوس انفعل كده ونوى بقلبه ان هو يعبد ولد الله عز وجل او يعني يوقف ولد الله - [01:23:16](#)

تعالى في العلوم الشرعية ولا حاجة يبقى يعرف يشتري ايه خلاص يبقى في كل فن من الفنون فن الحديث التفسير العقيدة اللغة اي حاجة من دي اكتب تلات اربع خمس كتب كنواة. لمثل هذه المكتبة. نسأل الله تبارك وتعالى ان ينفعنا واياكم بما علمنا - [01:23:36](#)

وان يعلمنا ما جهنا وان يجعل ما قلناه وما سمعناه زادا الى حسن المصير اليه وعتادا الى يمن القدوم عليه انه لكل جميل كفيل وهو حسبنا ونعم الوكيل السلام عليكم ورحمة الله - [01:23:56](#)